

Uunga siunnersuut: Pisortat akiliisarneri il. il. pillugit Inatsisartut inatsisaat nr. xx, xx.xxx 2020-meersoq
(Aningaasaqarnermut Naalakkersuisoq)

Saqqummiussissut

Siullermeerinnineq

Naalakkersuisut sinnerlugit matumuuna pisortat akiliisarneri il. il. pillugit Inatsisartut inatsisaata allanngortinnissaanut siunnersuummik saqqummiussissaanga.

Siunnersuummi Kalaallit Nunaanni NemKontomik atuilernissaq siunertarineqarpoq. NemKontomik aaqqissuussap kinguneraa innuttaasut namminneq imaluunniit suliffeqarfik aningaaseriveqarfimmi kontuni NemKontomisut toqqassagaa. Innuttaasup imaluunniit suliffeqarfiup pisortaqarfik kontumut allamut akileeqqunngippagu, pisortaqarfiup nammineq NemKontomut akiliineq ingerlatissavaa.

Aaqqissuussaq, nammineq suliarisartakkat isumaginninnerillu annikinnerusut aqutigalugit akiliisarnernut atatillugu pisortani pisariillisaanermut sipaaruteqarnermullu kinguneqassaaq. Naatsorsuutigineqarportaaq NemKontomik aaqqissuussap akiliinernut atatillugu kukkunernik ikinnerusunik kinguneqassasoq, taamatullu innuttaasut suliffeqarfiillu aningaaserivinni kontunut paasissutissanik tunniussissanngitsut, pinerit tamaasa pisortaqarfimmit akiliinernik nutaanik tigusissagaangamik.

Sulissutigineqarpoq Kalaallit Nunaanni pisortaqarfiit Danmarkimi NemKontomut aaqqissuussanut ilanngussinnaanerat. Tamanna pissaaq sapinngisamik aaqqissuussinerup pilersinneqarnerani ingerlanneqarneranilu innuttaasut suliffeqarfiillu qallunaat oqartussaasuinut NemKontomik nalunaarutiginnereersut eqqarsaatigalugit, taamaalilluni Kalaallit Nunaanni oqartussaasunut aamma nalunaaqinnginnissaat pillugu.

Maani nunami oqartussaasut NemKontomik aaqqissuussat nutaat atulinnginnerini, qallunaat sammisamut inatsisaata assinganik allannguinissaq ingerlanneqassaaq. Neriutiginerpoq tamanna ukiup sisamararterutaasa siulliup naannginnerani 2021-mi pissasoq. Taassuma saniatigut innuttaasut suliffeqarfiillu suli NemKontoqanngitsut qanoq NemKontomik kontoqarnissamik kissaateqarnerisut paasissutissiissuteqassalluni suliniut aallartinneqassaaq.

Pisortat ingerlatsiviini maannakkut nutarterlugu ingerlanneqartumi siunnersuut sakkussat ilagiinnarpaat. Nutarterineq ilaatigut digitalimik annertusisamik atuinermik periarfissanik kinguneqassaaq. NemKontomik aaqqissuussaq atortorissaarutaavoq pitsaasoq ajornanngitsorlu, taanna ullumikkut innuttaasut suliffeqarfiillu kontonormuinik

paasissutissanik aallernermi ikkussuinermilu suliassanut pisariaqarnerusunut piffissamik atuinermi inunnik sullissilluarnerulersitsisinnaasoq.

Naggasiutigalugu inatsimmut siunnersuut aamma oqaaseqaatit tassunga attuumassutillit unnersuussutigissavakka.

Taamatut oqaaseqarlunga Naalackersuisut sinnerlugit siunnersuut Inatsisartunut suliassanngortippara.